

ԹՈՒՄԱՆՅԱՆԸ ԵՎ ՀԱՅՈՑ ՀԱՅՐԵՆԱԿՑԱԿԱՆ ՄԻՈՒԹՅՈՒՆՆԵՐԻ
ՄԻՈՒԹՅՈՒՆԸ

ԼՈՒՍԻԿ ԿԱՐԱՊԵՏՅԱՆ

1917 թ. Թուամանյանի Հասարակական գործունեությունը Հիմնականում կապված էր Հայկազյան ընկերությունից հետո Հայկական Համայնության և ակադեմիա ստեղծելու նախապարտական աշխատանքին, որի Հիմքը դրվել էր 1912 թ. Պետերբուրգում՝ նրա բանտարկությունից ազատվելուց անմիջապես հետո:

1917 թ. ուշ աշնանը արդեն իրական Հիմքեր կային Թուամանյանի ծրագրերի կատարումն ավարտելու համար, առաջադրված էին ակադեմիայի 18 անդամների թեկնածուները, մնում էր պաշտոնական հաստատումը, որը պետք է տեղի ունենար ընկերությունից ժամանակավոր խորհրդի ղեկավարների 17-ի նիստում և ապա վերջնականապես հաստատվելու ղեկավարների 24-ի ընդհանուր, ընդլայնված ժողովում: Բայց այդ ժողովները չկայացան¹:

1917 թ. Հոկտեմբերյան հեղաշրջմանը հաջորդած Բրեստի դաշնադիրը, ապա Անդրկովկասյան կոմիսարիատի և Թուրքական զորքերի միջև կնքված պայմանագիրը պարտագրեցին ռուսական զորքերի դուրսբերումը Արևմտյան Հայաստանի գրաված տարածաշրջաններից. Հայ ժողովուրդը մենակ մնաց Թուրքական բարբարոսությունների վայրենի վրեժխնդրությունից հանդիման. վատ էր վիճակը նաև Արևելյան Հայաստանում:

Թուամանյանի ուշադրությունն այս անգամ էլ, ինչպես 1905–1906 թթ. ամբողջապես կենտրոնացավ իր ժողովրդի գոյատևման, ինքնապաշտպանությունից գործի կազմակերպման վրա: 1918 թ. ձմռանը և գարնանը իրար ետևից Թուրքերին անցան Երզնկան, Էրզրումը, Կարսը, Սարիղամիշը, Վանը: Կրկին գլուխ բարձրացրին ազգամիջյան թշնամությունները, որոնք շուտով վերածվեցին Հայ-թուրքական կռիվների: Մեծ վտանգ էր սպասվում հատկապես Հին Նախիջևանի և Բորչալուի թուրքերից: Թալան, կողոպուտ, կոտորածներ են սկսվում Անդրկովկասի բոլոր գավառներում. թուրքերն ու քրդերը կանգնեցնում, խորտակում էին գնացքները, թալանում ուղևորներին:

Ահա 1918 թ. այդ մղձավանջային օրերին Թիֆլիսում ստեղծվում են Հայրենակցական միություններ, որոնց նպատակն էր գավառներում կազմակերպել ինքնապաշտպանություն, մյուս կողմից՝ նպաստել Հաշտությունից ու խաղաղության գործին: Թուամանյանի նախաձեռնությունով շուտով որոշվում է ստեղծել բոլոր Հայրենակցական միությունների Համագործակցություն, այդ նպատակով մարտի 1-ին տեղի է ունենում միությունների

¹ Հ ո վ հ. Թ ու մ ա ն յ ա ն. Ուսումնասիրություններ և հրատարակումներ, գիրք 5, տե՛ս Լ. Կ ա ր ա պ ե տ յ ա ն. Թուամանյանը և Հայկազյան ընկերությունը. Երևան, 1998, էջ 94–124:

միացյալ ժողով, որին մասնակցում են Ախալցխայի, Ախալքալաքի, Գանձակի, Հին Նախիջևանի, Ղարաբաղի և Զանգեզուրի, Ղաղախ-Շամշադինի Հայրենակցական միությունների ներկայացուցիչները: Ժողովը բաղ է անում Թումանյանը, քիչ անց առաջագրվում ժողովի նախագահ, քարտուղար է ընտրվում Արամ Տեր-Գրիգորյանը: Իր ելույթում Թումանյանն առաջարկել է միացնել Թիֆլիսի բոլոր Հայրենակցական միությունները, ստեղծել Հայոց Հայրենակցական միությունները միություն (այսուհետև՝ ՀՀՄՄ), «որ ընդհանուր ուժերով և համերաշխ գործելով ավելի հաջող կերպով հնարավոր լինի դրական արդյունքներ ստանալ», կարգում ենք մարտի 1-ի ժողովի արձանագրության մեջ²: «Այդ ընդհանուր միությունն ապատակը պարզ է ինքնըստինքյան, — շարունակում է Թումանյանը, — ամեն կերպ ձգտել հաշտ ու խաղաղ ապրել բոլոր հարևանների հետ և այս պատմական ծանր ընդհանրին փրկել մեր ժողովրդի կյանքը»: Որոշվել է ընդունել Թումանյանի առաջարկը՝ յուրաքանչյուր Հայրենակցական միությունից ընդգրկել երկու ներկայացուցիչ³: Երեք օր հետո մարտի 4-ին, տեղի է ունենում ՀՀՄՄ կենտրոնական խորհրդի նիստը, որին մասնակցում էին հետևյալ Հայրենակցությունների ներկայացուցիչները. Լոռուց՝ Թումանյանը, Նոր Բայազետից՝ Համադասպ Համբարձումյանը և Երվանդ Ատովյանը, Ախալքալաքից՝ Դերենիկ Դեմիրճյանը և Արամ Տեր-Գրիգորյանը, Ադուլիսից՝ Արիստակես Զարգարյանը և այլ Հայրենակցությունների ներկայացուցիչներ:

Թիֆլիսում եղած ժամանակ նիստերին միշտ նախագահել է Թումանյանը: Մարտի 4-ի այդ ժողովում քննարկված հարցը անմիջապես արդարացնում է Թումանյանի նպատակը և դա իրականացնելու դժվարությունները, որոնք սակայն նրան չվախեցրին: Շամշադինից եկած պատգամավորը հայտնում է, որ այնտեղ հավաքված են 2500 զինված դարաբաղցիներ ու զանձակեցիներ, որոնք ուզում են անցնել իրենց բնակավայրերը, բայց տեղական մահմեդականները արգելում են, սլնդելով, որ անցնեն միայն գինաթափ լինելուց հետո: «Խումբը կարող է ուժով անցնել, — վստահ է ելույթ ունեցողը, — բայց սուր միջադեպից խուսափելով պատգամավոր է ուղարկվել՝ Հայոց ազգային խորհրդից և Անդրկովկասի կառավարությունից թույլտվություն ստանալու, մինչդեռ նրանք բավարարվել են անորոշ պատասխաններով, ուստի խնդրում են ՀՀՄՄ կենտրոնական խորհրդին աջակցություն ցույց տալ և ելք գտնել»: Հաբցի լուծումը հանձնարարվել է Թումանյանին և Ա. Տեր-Գրիգորյանին:

Հաջորդ, մարտի 6-ի նիստում (որին մասնակցում էր նաև Ախալցխայի ներկայացուցիչ Ստեփան Մալխասյանցը) Թումանյանը հայտնել է, որ համաձայն նախորդ ժողովի որոշման՝ դիմել է Ազգային խորհրդին՝ Շամշադինում հավաքված Հայ զինվորների խումբը Գանձակ և Ղարաբաղ (Շուշի) տեղափոխելու համար թույլտվություն ստանալու, իսկ Ազգային խոր-

2 ՀՀՄՄ արձանագրությունները և այլ նյութեր պահպանվում են Հայաստանի պատմության կենտրոնական պետական արխիվում, լուսապատճենները՝ Թումանյանի թանգարանի փաստաթղթերի բաժնում (այսուհետև՝ ԹԹ, ՓԲ):

3 ԹԹ, ՓԲ, № 379:

Հուրդը դիմել է Անդրկովկասի կառավարութեանը խնդրին լուծում տալու համար:

Մարտի 6-ի նիստը նշանավոր է նրանով, որ այդ օրը անցել են գործնական որոշումների. ընտրել ՀՀՄՄ նախագահ, երկու փոխնախագահ, մեկ քարտուղար և գանձապահ: Միութեան նախագահ է ընտրվել Թումանյանը, փոխնախագահներ բժ. Ար. Ջարգարյանը և Ատ. Մալխասյանցը, քարտուղար Համ. Համբարձումյանը:

ՀՀՄՄ գործունեութեան առաջին օրից և հետո, այդ միութեան կենտրոնական, անփոխարինելի դեմքը Թումանյանն էր, նրա ոգին ու հույսը, ամենամեծ հեղինակութունը. յուրաքանչյուր դժվար լուծելի խնդիր առաջարկվում, հանձնարարվում էր նրան, մանավանդ եթե պետք է եղել բարձր ատյանների միջնորդութունը: Այնքան հմուտ ու կազմակերպված էր նա վարում գործը, որ ըրողը լուռ ու մունջ լսում էին ու անմիջապես տալիս իրենց համաձայնութունը: Մարտի 6-ի նիստում հաստատվում են այլ գործնական որոշումներ ևս. դրանցից կարևորը նյութական միջոցների հայթայթումն էր՝ յուրաքանչյուր հայրենակցութունից ստացվող 5%-ի վճարումներով (միանվագ 200 ռ.):

Որպես ՀՀՄՄ նախագահ առաջին նիստը Թումանյանը վարում է մարտի 7-ին, երբ քննութեան է դրվում հայ-թուրքական հարաբերութունների խնդիրը, Թումանյանը հայտարարում է, որ այդ ուղղութեամբ արդեն որոշ նախնական բանակցութուններ սկսված են: Որոշվում է բանակցութուններին տալ լայն ընդգրկում, գավառ ուղարկել գործիչներ, հանդես գալ մամուլում, հաշտութեան գաղափարը ժողովրդականացնել: Նախագահի առաջարկով որոշվում է կենտրոնական խորհրդի համար վարձել բնակարան, պարտավորեցնել փոխնախագահներից որևէ մեկին ամեն օր, որոշ ժամերի լինել գրասենյակում գործը անհապաղ առաջ տանելու նպատակով⁴ (ընդամենը պետք է ասել, որ միութունը երբեք չունեցավ սեփական բնակարան, հավաքատեղի. ժողովները տեղի էին ունենում Կովկասի հայոց բարեգործական ընկերութեան դահլիճում, մեծահարուստ Արամյանցի տանը, կամ, պարզապես, Թումանյանի բնակարանում):

Միութեան նյութական վիճակը միշտ ծանր էր, հազիվ էին կարողանում դրամ հայթայթել: Բայց, չնայած այդ դժվարութուններին, շուտով դառնում են հեղինակավոր կազմակերպութուն, որին նպաստում էր Թումանյանի անդուլ գործունեութունը. մոռացած բանաստեղծի իր կոչումը նա ամբողջապես նվիրվել էր խաղաղութեան, իր ժողովրդի գոյատևման գործին:

Մարտի 9-ի նիստում նախագահը ներկայացնում է հայ-թուրքական հաշտութեան առաջիկա կարևոր քայլերը, որոնք մանրամասնորեն քննարկելով, խորհուրդը որոշում է. 1) հիմնել հաշտութեան ֆոնդ, այդ մասին կոչ հրապարակել մամուլում, 2) հաշտութեան ֆոնդի իրագործման խնդիրը թողնել առայժմ անորոշ, սպասելով խորհրդի նախաձեռնութեամբ գումարվելիք հայ-թուրքական խառը ժողովին, որին և վերապահել հաշտութեան կոչի ու հրահանգի մշակումը, ֆոնդի գործադրումը:

4 ԹԹ, ՓԲ, № 382:

Հայ-թուրքական խառը ժողովի կազմակերպման գործը ևս Հանձնարարվում է Թումանյանին. նա պետք է բանակցություններ սկսեր հարևան թուրքերի հետ:

Մարտի 13-ի և 15-ի նիստերում քննարկվել է ՀՀՄՄ ունեցած ռազմամթերքի գավառ տեղափոխելու գծավորությունների հարցը. որոշվել է, եթե հանգես դան արգելքներ՝ գենքը առայժմ կենտրոնացնել երևանում:

Մտավորականներին գավառ գործուղելու Թումանյանի առաջարկի մասին ելույթ է ունեցել Դ. Դեմիրճյանը՝ կապելով այդ դպրոցների փակման հետ, մանավանդ որ ստեղծված սլայմաններում դպրոցական գործը արդյունավետ չէր: Որոշվում է գիմել Ազգային խորհրդին, առաջարկելով փակել քաղաքային դպրոցները և հնարավորություն տալ ուսուցիչներին գնալ գավառ խաղաղության և ինքնապաշտպանության համար գործելու:

Ուշագրավ են մարտի 15-ի ժողովում Թումանյանի արած հետևյալ առաջարկները. 1) ասպհույն թիֆլիս-Բաքու և թիֆլիս-Ջուլֆա երկաթուղիների անխափան երթը, 2) գավառ ուղարկել խաղաղարար պատգամավորներ այն սլայմանով, որ նրանք տեղերում կազմակերպեն հաշտության մշտական մարմիններ՝ բաղկացած ժողովրդի հեղինակավոր ու պատասխանատու ներկայացուցիչներից, 3) խիստ քննություն նշանակել մինչև օրս տեղի ունեցած ավերածությունների ու կոտորածների մասին և ամեն միջոց դործագրել, որպեսզի թայանը ետ տրվի ըստ պատկանելիության, տուժողը վարձատրվի, իսկ հանցավորներն ու խուճարարները խստորեն պատժվեն: Այդ միջոցառումների առաջարկությունները ՀՀՄՄ նախագահը գիմում է Անգրկովկասի կոմիսարիատին և անձամբ նախագահին՝ Ե. Գեգեչկորուն՝ հանգամանորեն ընթացակարգելով, թե ինչ հետևանքներ կարող են ունենալ «եղրայրասպան ընդհարումների սարսափները և չլսված արյունալի սպանդը», տեղեկացնում է մարտի 15-ի որոշումների մասին և առաջարկում միությունը ընդհանուր ուժերը դնել կոմիսարիատի տրամադրություն տակ՝ եթե վերջինս ձեռնամուխ լինի վերոհիշյալ միջոցառումների գործագրմանը: Դիմումը գրված է ՀՀՄՄ կենտրոնական խորհրդի անունից՝ Թումանյանի և միության քարտուղար Համ. Համարձումյանի ոտորագրությամբ⁵:

Բանաստեղծի մեծ հեղինակությունը և նրա ղեկավարած գործի նկատմամբ կառավարության վստահությունը չէր կարող չունենալ սպասվելիք զբաղական արձագանք: Շուտով նա ստանում է պաշտոնական վկայական-հանձնարարական ռազմական մինիստրի և վրաստանի կառավարության նախագահի ստորագրությամբ՝ Ղազախ-Բորչալուի ժողովրդի խաղաղության գործը ղեկավարելու մասին և թիֆլիսի ըստանումներից կես հարյուրակ զինվոր և մեկ սպա՝ ինքնապաշտպանության խմբերի հետ որոշակի գործողություններ ծավալելու համար⁶:

Ինչպես տեսնում ենք, ՀՀՄՄ գործունեությունը արդեն մոտենում էր կառավարական մակարդակի և պատահական չէ, որ միության մարտի 22-ի ընդհանուր ժողովում Թումանյանը հայանում է Հայոց ազգային խորհրդի՝ (որի նախագահը Ավ. Ահարոնյանն էր) միության նկատմամբ ունեցած

⁵ ԹԹ, ՓԲ, № 386:

⁶ Հ ո վ հ. Թ ու մ ա ն յ ա ն. Երկերի լրակատար ժողովածու (այնուհետև ԵԼԺ, հատոր և էջը). հ. 10, 1999, էջ 284, 640-641:

վերաբերմունքի մասին՝ այն է՝ թե որքա՞ն «օրինավոր և հնարավոր է» միուլթյան դոյուլթյունը Ազգային խորհրդի հանդեպ: Ժողովը որոշեց, որ ՀՀՄՄ իր ծրագրով և գործունեությունը, ո՛չ փաստորեն, ո՛չ էլ իրավաբանորեն չի խանգարում Ազգային խորհրդի իրավասությունը և մտադիր չէ «մրցում ստեղծել իր և Ազգային խորհրդի միջև»: Դեռևս 1917 թ. դեկտեմբերին Ազգային խորհուրդը իրեն հայտարարել էր գերագույն մարմին բուլոր հայերի համար, ուստի հասկանալի է, որ նա չէր հանդուրժելու միուլթյան բարձր մակարդակի գործունեությունը: Նույն անհանդուրժողականությունը նա դրսևորել էր 1917 թ. դեկտեմբերին Թումանյանի նկատմամբ, թեպետ նրա նախաձեռնությունը հավաքված մտավորականների ժողովը կոչ էր հրապարակել Ազգային խորհրդի հետ համագործակցելու. «գործել ուսսական դեմոկրատիայի և կովկասյան բոլոր ազգերի ինտելիգենցիայի հետ համերաշխ...»⁷:

Անկախ Ազգային խորհրդի բռնած դիրքի՝ ՀՀՄՄ նախադաշը իր և զինակիցների ծրագրերն ու գաղափարները արագորեն վեր էր ածում որոշակի գործերի: Պահպանվել է մի երկտող-գրություն, գրված մարտի 23-ին, ուղղված Ստ. Մալխասյանցին (անթվակիր է, ժամանակը որոշվում է հասցեատիրոջ նամակով): «Սիրելի պ. Ստեփան, — գրում է Թումանյանը, — նոր վճռվեց: Կիրակի օրն ենք գնում: Գնում եմ նահանգական կոմիսարի հետ: Ես կարծում եմ՝ տուժած հայերը կարող են և պետք է գան ու հայտնեն իրենց կորուստն ու պահանջը»: Այնքան էլ շատ բան չի կարելի կուահել այս երկտողից, եթե չլիներ Մալխասյանցի նույն օրը գրած նամակը, որի պատասխանը Թումանյանի հիշյալ երկտողն է: Մալխասյանցը հետաքրքրվում էր որպես ՀՀՄՄ փոխնախագահ թե ե՞րբ է Թումանյանը ուղևորվելու Լոռի խաղաղություն հաստատելու միսիայով, նրա հետ գնալու է թուրք հաշտարար թալանված գույքը հայերին վերադարձնելու համար և թե կարո՞ղ են երկու հաշտարարների հետ գնալ նաև Նորավանի այն հայերը, որոնց գույքը կողոպտել են թուրքերը, ստիպելով նրանց գյուղից հեռանալ: «Նեղձերը, — գրում է Մալխասյանցը, — փետրվարի 13-ից մինչև այսօր արդարություն և իրավունք են հայցում: Վարի, երկրագործական աշխատանքի ժամանակն անցնում է, թուրքերը ցանում են մեր վարած ըոստանները»: Ահա թե ինչու Թումանյանը պայտասխանում է. «... տուժած հայերը կարող են և պետք է գան ու հայտնեն իրենց կորուստն ու պահանջը»: Ինչպես ասվեց, նա Մալխասյանցին հայտնում է նաև, որ մեկնելու է կիրակի, այսինքն՝ մարտի 25-ին:

Նախագահի Լոռի մեկնելուց հետո գործերը պետք է տնօրինեին փոխնախագահները՝ բժ. Ար. Զարգարյանը և Ստ. Մալխասյանցը: Մինչ այդ, Լոռուց և Բորչալուից ահազանգեր էին հասնում Թիֆլիս տեղական թուրքերի բարբարոսությունների մասին. կողոպտում էին ոչ միայն խեղճ, անօգնական գյուղացիներին, այլև հարուստներին. քանդում էին նրանց

⁷ Լ. Կ ար ա պ ե տ յ ա ն. Հովհաննես Թումանյանի հասարակական գործունեությունը (գրվագներ). Երևան, 1992, էջ 200–201:

⁸ ԵԼԺ, 10, 286, 642:

⁹ Ե. Զարենցի անվան գրականության և արվեստի թանգարան (այսուհետև՝ ԳԱԹ). ԹՖ, ց. 2, էջ 504:

գործարանները, ավերում տները: «Լոռուց օգնություն են խնդրում», – հաղորդում էր «Հորիզոն» օրաթերթը մարտի 21-ին:

Լոռի, Ղազտիս և Բորչալու մեկնելու հրավերը Թումանյանը ստացել էր այդ տարածաշրջանի բնակչությունից, ապա լիազորվել, ինչպես ասացինք, անդրկովկասյան կառավարությունից, իր տրամադրություն տակ ունենալով նաև զորամաս¹⁰:

Բազմանդամ ընտանիքի մի մասի հետ ապաստանելով Լոռում, Թումանյանը անդադար ընդհատելով լոռույցի մեջ էր հայ և այլազգի գործիչների հետ. մեկ Դսեզում էր, մեկ Ղարաքիլիսայում, մեկ շտապ մեկնում էր Թիֆլիս, ապա վերադառնում կռիվների վայրերը: Դրությունը կրկնակի ոգրերդական դարձավ տաճկական զորքերի հարձակումներից հետո, երբ գրավվեցին Ալեքսանդրապոլը և Ղարաքիլիսան: Տակավին փետրվարին (ասել է թե՛ նախքան ՀՀՄՄ ստեղծումը) Թումանյանը Հայոց ազգային խորհրդի հանձնարարությամբ ստանձնել էր նաև Լոռու, Փամբակի, Ղազախի, Շամշադինի և Բորչալուի ընդհանուր լիազորի պարտականությունը. կարելի է պատկերացնել, թե ինչ գերլարված գործունեություն էր ծավալել նա...

* * *

Թիֆլիսում ՀՀՄՄ գործունեությունը շարունակվում էր ոչ նույն թափով. զգացվում էր նախագահի բացակայությունը: Նիստերից մեկում կրկին քննարկվել է Ազգային խորհրդի ոչ որոշակի շահագրգռվածությունը հաշտության հաստատման նկատմամբ: Հնարավոր է, անշուշտ, որ գրան խանգարում էր ծանր կացությունը Արագարապատում և Ղարաքիլիսայում... Դեմիրճյանը և ուրիշներ իրենց ելույթներում առաջարկում են զիմել Ազգային խորհրդին, խնդրել նրա աջակցությունը խաղաղության գործին, որ նա բարձրացնի իր հեղինակավոր ձայնը դավառներում տիրող բարբարոսությունների դեմ, իսկ միության անգամներին հանձնարարվում է մամուլում հանդես գալ խաղաղության ու հաշտության կոչով, որի խմբագրությունը առաջարկվում է Դ. Դեմիրճյանին, Մ. Ավետիսյանին, Ղարաբեկյանին:

Դեռ նախքան Թիֆլիսից հեռանալը, Թումանյանը գրել էր «Հանգրեք հրդեհը» հոդվածը հայերեն և ռուսերեն հրապարակելու համար¹¹: Այդ հոդվածով նա անխնա դատապարտում է ազգամիջյան ընդհարումները հրահրողներին, կոչ անում միացյալ ուժերով հանդգնել հրդեհը: ՀՀՄՄ մի կոչ սպառնալով է մայիսի 25-ին «Հայ ժողովրդին» վերնագրով: Այդ այն ժամանակ էր, երբ տաճկական զորքերը սպառնում էին ոչ միայն Ղարաքիլիսային, այլև՝ Թիֆլիսին: Կոչը գրված էր խուճապի և դասալքության դեմ, համոզում էր չընկճվել, պրոպագանդում էր տարրեր ազգերի համագործակցություն՝ անհրաժեշտության դեպքում տաճկական զորքերին դիմադրավելու համար¹²:

10 «Հորիզոն», 1918, №33:

11 «Մշակ», 1918, №66, "Кавказское слово", №70:

12 «Հորիզոն», 1918, №98:

Մինչև Լոռի մեկնելը, ՀՀՄՄ մարտի 22-ի ժողովում, քննարկվել է Թիֆլիսում ստեղծվող հայ-թուրքական սոցիալիստական բլոկի առաջարկը՝ իրենց բյուրոյում հայ ներկայացուցիչ ունենալու անհրաժեշտության մասին պայմանով, որ այդ ներկայացուցիչը լինի սոցիալիստ սոցիալ-դեմոկրատական, սոցիալ-հեղափոխական կամ «Հումմետ» կուսակցության անդամ: Առաջարկի քննարկումը ընթացել է վիճաբանություններով, որից հետո սոցիալիստական բլոկի հայ ներկայացուցիչ է ընտրվել անկուսակցական Թումանյանը, իսկ նրա բացակայության ժամանակ փոխարինելու էր Արամ Տեր-Գրիգորյանը: Սոցիալիստական բլոկի մարտի 23-ի ժողովում նախագահ է ընտրվել Գ. Ղարաջյանը (Արկոմեդ), իսկ Թումանյանը՝ բյուրոյի անդամ և նախագահի տեղակալ¹³:

* * *

Թումանյանը Լոռուց վերադարձավ հունիսի 22-ին կամ 23-ին, որից հետո ՀՀՄՄ առաջին նիստը տեղի ունեցավ հուլիսի 11-ին, դարձյալ նրա նախագահությանը:

Թումանյանի վերադարձը և ներկայությունը հուլիսի 11-ի և հետագա ժողովներում նոր աշխուժություն մտցրեց միութայն կենտրոնական խորհրդի աշխատանքում: Օրակարգ էին մտնում նախկինում առաջ քաշված հարցեր ու խնդիրներ, որոնք չէին լուծվել նախագահի բացակայության միջոցին: Որոշվեց հրապարակել նոր կոչ՝ ուղղված աշխարհի բոլոր ժողովուրդներին:

Շարունակվում էին հաճախակի տեղի ունեցող նիստերը, քննարկում, որոշումներ էին կայացնում օրվա հրատապ հարցերի՝ գաղթականների, նրանց տեղափոխելու, տեղավորելու, միութայն մեջ գործադիր մարմին ընտրելու մասին: Եթե նախկին ժողովներում յուրաքանչյուր հայրենակցությունից մասնակցում էին երկու ներկայացուցիչ, հուլիսի 19-ից նրանց թիվը դարձավ երեք: Ընտրվեց կենտրոնական խորհուրդ, որը պետք է հանդիսանար ՀՀՄՄ բարձրագույն մարմինը: Հուլիսի 22-ին գաղտնի քվեարկությամբ ընտրվում է գործադիր մարմին, որի մեջ մտնում են Թումանյանը, Խ. Միանսարյանը, Մարգար Ավետիսյանը, Ա. Տեր-Գրիգորյանը, Մ. Դարբինյանը, նրանց փոխարինողներ ընտրվեցին Ստ. Զորյանը և Մ. Պետրոսյանը: Ընտրվում է նաև նոր նախագահություն՝ նախագահ՝ Թումանյան, փոխնախագահներ՝ Հ. Արղունյան, Մ. Ավետիսյան, գանձապահ՝ Միանսարյան: Նախագահը առաջարկում է գործի վերածել նախորդ ժողովում կայացրած որոշումը՝ նոր կոչի հրապարակումը, որը պետք է իրականացնեք գործադիր կոմիտեն: "Народам и государствам всего мира" վերնագրով կոչը հրապարակվում է օգոստոսի 22-ին "Кавказское СЛОВО" օրաթերթում (№ 76) Թումանյանի և Համ. Համբարձումյանի ստորագրությամբ: Կոչը ուղղված էր աշխարհի ժողովուրդներին, նրանց պառլամենտներին, ակադեմիաներին, համալսարաններին, դիտական ընկե-

13 Թումանյանի մասնակցությունը այդ բլոկում այլ կերպ է հիշում Մոսկվայի Լոմոնոսովի անվան համալսարանի պրոֆեսոր Ազիզ Շարիֆը, որը պատմում է բլոկի նիստերում Թումանյանի հետ ունեցած հանդիպումների: Նրանից ստացած մեծ տպավորության մասին (տե՛ս Թումանյանը ժամանակակիցների հուշերում (այսուհետև՝ ԹժՀ)). Երևան, 1969, էջ 735-737:

րուծյուններին: Նկարագրելով Հայ ժողովրդի ծանր, անելանելի վիճակը, խնդրվում էր բարոյական և նյութական օգնություն: Կոչերի շարագրանքը ընդհանուր երկրների համար նույնն էր, բացառություն են կազմել Թուրքիան, Պարսկաստանը, Վրաստանը և Ազրբեջանը: Կոչերը Թիֆլիսում գտնվող գերմանական և ավստրիական ներկայացուցիչներին Թումանյանն ինքն է անձամբ հանձնել և արժանացել ջերմ վերաբերմունքի. և միայն այդքան. Հայ ժողովրդի կյանքում ոչինչ չփոխվեց¹⁴:

Շարունակվում էին ՀՀՄՄ ժողովներում ահազանգեր գալ փախստականների անելանելի վիճակի մասին. օրեցօր աճում էր սովահարների թիվը, օրը 50-ից ավելի մարդ էր մեռնում: Տակավին օգոստոսի 8-ի ժողովում Բակուրիանիի ներկայացուցիչները գաղթականության վրկուծյունը տեսնում էին հայրենիք վերադառնալու և այդ տարվա հունձը վերցնելու մեջ: Խոսվում էր արգեն սկսված համաճարակի մասին, որ կարող էր աղետալի հետևանքներ ունենալ Բակուրիանիում հավաքված 20000, Ծալկայի՝ 40000 փախստականների համար: Միուծյան գործադիր մարմնին հանձնարարվում է գիմում ներկայացնել Թիֆլիսի գերմանական, ավստրիական, ռուսարական և տաճկական ներկայացուցիչներին, ինչպես և ընամվոր միջնորդություններով արագացնել փախստականների հայրենիք վերադառնալու հարցի լուծումը: Ընգսմին պետք է ավելացնել, որ մեկ ամիս առաջ Թումանյանի մասնակցությամբ Բաթում մեկնած պատվիրակության պահանջներից մեկը գաղթականության իրենց ընակավայրերը վերադառնալու թույլտվություն ստանալն էր, որը սակայն մերժվել էր հետևյալ պատճառաբանությամբ. «... Դա առայժմ անկարելի է, որովհետև Թուրքերի և հայերի սուր հարաբերությունները Թուրքիային անցած շրջաններում կարող են էքսցեսներ առաջ բերել»¹⁵:

* * *

1918 թ. հուլիսին, Հայոց Ազգային խորհրդի Թիֆլիսից երևան տեղափոխվելուց և անկախ Հայաստանի վարչակազմ ստեղծելուց հետո, օգոստոսին Թիֆլիսում կազմակերպվում է Վիրահայ Ազգային խորհուրդը. Հայրենակցությունների միությունը քննարկման է դնում նորաստեղծ խորհրդին մասնակցելու կամ չմասնակցելու հարցը: Օգոստոսի 20-ի նիստում այդ մասին զեկուցել է Հ. Համբարձումյանը, սուր քննադատության ենթարկելով պաշտոնապես դեռ չկայացած Վիրահայ Ազգային խորհուրդը, հատկապես նրա կուսակցական հիմունքների անհամապատասխանությունը ժողովրդական լայն զանգվածների պահանջներին և առաջարկել ոչ միայն չմասնակցել այդ խորհրդին, այլև բողոքել նրա «անկանոնության և ապօրինության դեմ»: Այդ քննարկմանը մասնակցել է Թումանյանը և հիմնականում համաձայնել Համբարձումյանի հետ, ըայց երբ քվեարկել են, այնուամենայնիվ, անցել է Վիրահայ Ազգային խորհրդին հայրենակցությունների մասնակցելու անհրաժեշտությունը ութ ներկայացուցիչներով: Կողմնակիցները նոր Ազգային խորհրդի թերությունները մասամբ

14 Թումանյանի և գերմանական պատգամավորության գլխավոր գեներալ Ֆոն Կրեսսի հանգիստման և այլ մանրամասներ տես Լ. Կ ա ռ ա պ ե տ յ ա ն. նշվ. աշխ., էջ 218-221:

15 «Մշակ», 1918, № 31:

բացատրել են օբյեկտիվ պատճառներով: Նրանք հույս ունեին այդ կազմակերպության միջոցով լուծել գաղթականությանն օգնելու, նրանց տեղավորելու և ազգային այլ խնդիրներ կապված այդ ծանր օրերի պահանջներին: Բայց սպասելիքները չեն իրականանում. անուշադրության են մատնվում Թումանյանի ստորագրությունը պաշտոնական գրությունները գաղթականական խորհրդակցությունն գումարելու պահանջով¹⁶:

Պետք է ենթադրել, որ Վիրահայ Ազգային խորհուրդը հանձին Հայրենակցական միությունների գործադիր մարմնի, և անձամբ Թումանյանի, տեսնում էր մի կազմակերպություն, որն իր նախագահի հետ հսկողությունն է սահմանում իրենց ծրագրերի և սկզբունքների նկատմամբ: Նման վերաբերմունքի առիթ կարող էր հանդիսանալ Ազգային խորհրդին ուղղած 1918-ի սեպտեմբերի 13-ի Թումանյանի ստորագրությունը պաշտոնական գրությունը, որտեղ բավական կտրուկ շարադրված էր օգոստոսի նիստում ՀՀՄՄ Վիրահայ Ազգային խորհրդին մասնակցելու հարցը՝ պատճառաբանված հետևյալ կերպ. «Նկատելով, որ Ազգային խորհուրդը ըստ իր կազմի հիմնված լինելով կուսակցական սկզբունքի վերա միակողմանի է և, որպես այդպիսին, չի համապատասխանում գավառների ներկայացուցչության սկզբունքին և այդ պակասը լրացնելու նպատակով Ազգային խորհրդի մեջ ներկայացուցիչներ պետք է ունենա Հայրենակցությունների միությունը, որը բաղկացած է գավառների ներկայացուցիչներից, որոնց մասնակցել Վրաստանի Հայոց Ազգային խորհրդին ուղարկելով միությունների միության կողմից ութ ներկայացուցիչ»:

Վերևում տեսանք Հայոց Ազգային խորհրդի անհանդուրժողականությունը 1918-ի գարնանը նոր կազմակերպված ՀՀՄՄ նկատմամբ: Այժմ նույնը կրկնվում էր: Արդեն տեղյակ նրա գործունեությանն ու պահանջկոտությունը, Վերահայ Ազգային խորհուրդը կարող էր Թումանյանի դեկլարությունը գործող կազմակերպության մեջ մի կողմից իր նկատմամբ տեսնել անվստահություն, մյուս կողմից՝ ոտնձգություն նոր ստեղծված խորհրդի հանդեպ: Դա պատահական չէ: Թումանյանի գործունեությունը դուրս էր գալիս սովորական հասարակական կազմակերպության սահմաններից: Բերենք մի քանի օրինակ: Դեռ նոր էր ստեղծվել միությունը, երբ 1918-ի մարտի 8-ի դրությամբ Թումանյանը պաշտոնապես դիմել էր Թիֆլիսի Ազգային խորհրդին, խնդրելով միջնորդել լիկվիդացիայի ենթարկվող հիմնարկություններից մեկ կամ երկու ավտոմեքենա հատկացնելու նոր Բայազետի քաղաքային ինքնավարությունը կանոնավորելու նոր Բայազետի և Դիլիջանի միջև եղած երթևեկությունը, որը շատ անհրաժեշտ էր տեղի ազդաբնակչությանը, ինչպես և ինքնապաշտպանության ու պարենավորման գործը կազմակերպելու համար:

Թումանյանի և Համրարձումյանի ստորագրությունը գրությունն է ուղարկվել Վիրահայ Ազգային խորհրդին, բյուրոյի գաղթականության հարցերով զբաղվող բաժնին՝ Ղազախի հայ բնակչության հացի և սերմացուի կարիքների, գաղթականության ծանր վիճակի, սովամահության դեպքերի

16 ԹԹ, ՓԲ, № 476:

մասին: Անհրաժեշտ է համարվել շուտափույթ օգնություն և գաղթականների կազմակերպված վերադարձը դեպի Հայրենիք:

1918 թ. հոկտեմբերից ՀՀՄՄ նիստերում արգեն կարևորվում էր հայ ժողովրդի կրած վնասների մասին միջազգային ատյաններին հուշագիր ներկայացնելու անհրաժեշտությունը: Հոկտեմբերի 3-ին Թումանյանը առաջարկում է քննության ենթարկել Շուլավերի շրջանում տեղի ունեցած հայ-թուրքական տարածայնությունների, հայերից խլված գույքի հարցը: Որոշվում է՝ Շուլավեր ուղարկել հատուկ պատգամավորություն տեղում խնդիրը քննելու և լուծելու համար: Այդ առիթով առաջարկվում է քննություն սկսել հայկական ընդ որ դավառներում՝ հայերի կրած վնասների մասին: Կամաց-կամաց մոտենում էր «Համաշխարհային պատերազմի ժամանակ հայ ժողովրդի կրած վնասները որոշող քննիչ հանձնաժողով» (այսուհետև՝ Քննիչ բյուրո կամ հանձնաժողով) ստեղծելու և միջազգային կոնգրեսին հուշագիր ներկայացնելու անհրաժեշտությունը¹⁷:

Հոկտեմբերի 10-ի նիստում Թումանյանը գեկուցել է ՀՀՄՄ Կենտրոնական խորհրդի և գրողների միության վարչության համատեղ ջանքերով հաջողեցրած Հայաստանի վերաշինության միջոցներից դուրս ստանալու մասին, որը պետք է վճարեին մեծահարուստները՝ Հ. Մանթաշյանը, Համր. Մելիքյանը, Ավան-Յուզբաշյանը: Հոկտեմբերի 11-ին Թումանյանի և Համբարձումյանի ստորագրությամբ գրություն է ուղարկվում փախստականների և գաղթականության արգեն բավական ձգձգված խնդիրները լուծելու՝ Վիրահայ Ազգային խորհրդի և Հայաստանի դիվանագիտական ներկայացուցչության համատեղ խորհրդակցության մասին, համարելով այդ «հույժ կարևոր և անհետաձգելի խնդիր»¹⁸: Նոյեմբերի 2-ի նիստում հուշագրի իրականացումը որոշվում է հանձնարարել Թումանյանին և Արշակ Զամալյանին, իսկ գործի ֆինանսական կողմը ապահովելու համար ստեղծել հանձնաժողով ականավոր ֆինանսիստներից¹⁹:

1918 թ. դեկտեմբերի 3-ից հայտնի էր Թումանյանի որդու՝ Արտավազդի սպանությունը Վանի վերջին՝ մարտի գաղթի ժամանակ...²⁰ Նույնիսկ որդու ողբերգական մահվան լուրը, որ այնքան խոր ազդեց բանաստեղծի վրա, չխանդարեց նրա մասնակցությունը ՀՀՄՄ գործունեությանը: Դեկտեմբերի 4-ին և 5-ին Թումանյանը արգեն իր բնակարանում ղեկավարում էր նիստերը, առաջարկելով խիստ կարևոր առօրեական հարցեր՝ սկսած մեմորանդումից, դավառներում կյանքի ապահովության, որբանոցներ բացելու համար դուժարներ հայթայթելուց և այլն:

ՀՀՄՄ ընդհանուր ժողովում հաստատվում է քննիչ հանձնաժողովի կազմը. նախագահ է ընտրվում դարձյալ Թումանյանը, քարտուղար՝ Կորյուն Ղազարյանը: Պարտականությունները և սլաշտոնները բաժանվել են հետևյալ կերպ: Լեոն Քննիչ բյուրոյի (կամ հանձնաժողովի) պատմահասարակական բաժնի վարիչն էր, շարադրելու էր «Հայկական հարցի» պատմությունը, Քրիստ. Վերմիշյանը վարելու էր տնտեսական բաժինը, որը

17 ԹԹ, ՓԲ, № 376:

18 Նույն տեղում, № 478:

19 Նույն տեղում, № 405:

20 ԵԼԺ, 10, 651:

կոչված էր հաշվելու պատերազմի ընթացքում հայ ժողովրդի կրած վնասները: Շուտով նրան փոխարինում է Աշ. Աթանասյանը: Երրորդ բաժինը՝ քրեական քննչական, պարտավոր էր բացահայտել ու գրանցել տեղի ունեցած բոլոր սպանությունների և ամեն տեսակի զազանաբարո արարքների փաստերը թուրքերի հարձակումների ժամանակ. բաժինը վարելու էր Տիգրան Հովհաննիսյանը: Չորրորդը՝ զինվորապատմական, շարադրելու էր հայկական ռազմական ուժերի, հայ ժողովրդի մասնակցությունը պատերազմին և այդ մասնակցության նշանակությունը. բաժնի վարիչն էր զեներալ Կուլեբյակինը²¹:

Քննիչ բյուրոյի գործունեությունը չէր ընթանում որպես առանձին կազմակերպության պարտականության իրագործում, քանի որ ինչպես ՀՀՄՄ, այնպես էլ հանձնաժողովի նախագահը թուամանյանն էր և ամբողջ պատասխանատվությունը նրա վրա էր, չնայած կենտրոնական գործադիր կոմիտեի անդամների գործուն մասնակցության (Հ. Համբարձումյան, Մ. Ավետիսյան, Ա. Տեր-Գրիգորյան, Հ. Արղունյան, Ստ. Մալխասյանց և ուրիշներ): 1919 թ. հունվարի 19-ին տպագրվում է թուամանյանի ստորագրությամբ հետևյալ «Դիմումը». «Համաշխարհային պատերազմից հայ ժողովրդի կրած վնասները ցուցակագրող Քննիչ հանձնաժողովը դիմում է այն բոլոր անձնավորություններին, որոնք նյութեր ունեն հավաքած տաճիկների գազանությունների, մեր ժողովրդի կրած վնասների մասին, Տաճկաստանում թե Կովկասում, դնել այդ նյութերը հանձնաժողովի տրամադրության տակ: Հանձնաժողովը սիրով և շնորհակալությամբ կընգունի այդ նյութերը, լինեն դրանք մշակված աշխատություններ, հիշատակարաններ, ականատեսների վկայություններ, վիճակագրական տեղեկություններ և թե լուսանկարներ: Մշակված տեղեկությունների և կարևոր նյութերի համար հանձնաժողովը վճարում է վարձատրություն»²²:

Թուամանյանի ինքնագրով պահպանվել է մի անթվակիր փաստաթուղթ²³ (հավանաբար գրված 1919-ի սկզբներին), որտեղ գրառումներ, ծրագրային նշումներ կան ՀՀՄՄ գործունեության սկզբունքների, նպատակների մասին, ամփոփ տեղեկություններ միություն և Քննիչ բյուրոյի մերաբերյալ: Այն բաղկացած է երկու հիմնական կետից և չորս ենթակետերից. 1) Հայրենակցությունների միությունը շարունակում և վերջացնում է հայ ժողովրդի կրած նյութական և ֆիզիկական կորուստների ու տառապանքների ցուցակագրումը, պարբերաբար հրատարակելով իր աշխատանքի արդյունքները: 2) Հայ ժողովրդի կրած ամեն տեսակի վնասների մասին ստուգված տեղեկություններ հավաքելու նպատակով հանձնաժողովը,

21 ԹԹ, ՓԲ, № 407: Գեներալ Կուլեբյակինի գործունեության մանրամասները տե՛ս А. Н. Закарян. Поэт — генерал Александр Кулебякин и Армения. — «Պատմաբանասիրական հանդես», 2001, № 2, էջ 99–129: Ա. Հ. Ջաբարյան. Գեներալ Ալեքսանդր Կուլեբյակինի մասնակցությունը Համաշխարհային պատերազմում հայ ժողովրդի կրած վնասների քննիչ հանձնաժողովի աշխատանքներին. — «Հայկական բանակ», 2002, № 1–2, էջ 155–161: Քննիչ հանձնաժողովի գործունեության մասին տե՛ս նաև հանդեսի սույն համարում տպագրված Ա. Ջաբարյանի «Նորահայտ փաստաթղթեր Հովհ. Թուամանյանի գլխավորած «Համաշխարհային պատերազմում հայ ժողովրդի կրած վնասների քննիչ հանձնաժողովի գործունեության մասին» հրատարակումը (էջ 271–304):

22 «Մշակ», 1919, № 14:

23 ԹԹ ՓԲ, № 368:

նախօրոք մշակված ծրագրով, սկսում է ցուցակագրել, ղեկավարվելով հետևյալ հիմնական սկզբունքով.

ա) Հայրենակցությունների միությունը, ինչպես միակ համահայկական հասարակական կազմակերպություն, այդ դործը կատարում է բոլոր հայերի վերաբերմամբ, անկախ այն հարցից, թե ինչ պետություն սահմաններում են ապրում:

բ) Հավաքվող տեղեկություններին իրավական ուժ տալու նպաստակով վնասների ցուցակագրման գործը այս կամ այն կերպ ճանաչել տալ դաշնակիցների կողմից:

գ) Վնասների ցուցակագրումը թե՛ քաղաքացիների և թե՛ գյուղացիների նկատմամբ կատարել անհատականացման սկզբունքով:

դ) Այս գործի համար անհրաժեշտ նյութական միջոցներ ստանալ հայկական կառավարությունից և բոլոր այն կազմակերպություններից, որոնք ընդունում են այդ գործի կարևորությունը:

Շուտով սկսվում է մի նոր ողբերգություն, որը խանգարում է Քննիչ բյուրոյի գործը անմիջապես ընթացքի մեջ դնելուն:

1918 թ. ամառվանից սկսված սահմանային վեճերը Հայաստանի և Վրաստանի զորքերի միջև ի վերջո ղեկտեմբերին վերածվում են Հայ-վրացական պատերազմի, որը տևում է 20 օր և ավարտվում է ղեկտեմբերի 31-ին:

Թումանյանը հայրենակցությունների միության հետ միասին նվիրվում է կռիվները խաղաղությամբ ավարտելու գործին: Դեկտեմբերի 18-ին նրա բնակարանում տեղի ունեցած 15 հայրենակցությունների մասնակցությամբ կենտրոնական խորհուրդը որոշում է պաշտոնական դրություն ուղարկել Հայաստանի Հանրապետության կառավարությանը, որի վարչապետը այդ ժամանակ Հ. Քաջաղանյանն էր: Բոլոր ելույթ ունեցողները միահամուռ դեմ են արտահայտվել պատերազմին, որոշել դրավոր բանաձևի միջոցով բողոքել կատարվող արյունահեղությունների դեմ, պահանջել դադարեցնել թշնամական դործողությունները, ընդհարման պատճառները վերացնելու համար գումարել Հայ-վրացական կոնֆերանս, ամեն կերպ աջակցել կովոզ կողմերի կառավարություններին, որոշումը հայտնել աղբային-հասարակական հիմնարկություններին, տարածել երկու ժողովուրդների ամենալայն խավերի մեջ: Թումանյանը գրավոր և բանավոր դիմում է նաև Վրաստանի արտաքին դործերի նախարար Ե. Գեդեզկորուն, հանրապետության նախագահ Ն. Ժորդանիային, վրաց և ռուս մշակութային գործիչներին²⁴:

Դիմումներում և հրապարակված նյութերում Թումանյանը որոշակի չէր մեզադրում Հայաստանի կամ Վրաստանի կառավարություններին, կամ մեղադրում էր երկուսին էլ. մեղավորին ու արդարին փնտրելու ժամանակը չէր, հարկավոր էր շտապ վերջ տալ արյունահեղությանը: Բայց ահա Անդրանիկին գրած 1918-ի դեկտեմբերի 14-ի նամակում նա մեղադրում է վրաց կառավարությանը, նրանց զորքերն էին հրահրել պատերազմը՝ օգտվելով Հայաստանի քաղաքական և տնտեսական ճգնաժամային

24 ԵԼԺ, 10, 300-301, տե՛ս նաև "Кавказское слово", 1918, № 70, «Ժողովրդի ձայն», 1918, № 85, 86, «Մշակ», 1918, № 261, ԵԼԺ 7, 367-368, 370-377:

վիճակից, կամեցել էին մի պատառ խլել սքանչելի Լոռու հողերից: «Լոռեցիները, – գրում է Թումանյանը հիշյալ նամակում, – վրացի զորքերի լրբուծյունից կատաղած՝ հարձակվել են նրանց վրա, և առաջ է եկել կանոնավոր պատերազմ: Վրացիք նահանջել են մինչև Բորչալու, տալով բավական սպանվածներ և գերիներ: Զբաղված ենք էգ կռիվը վերջացնելու գործով»²⁵:

Հետագա օրերին կռիվները ընթանում էին հօգուտ վրացիների, բայց շնորհիվ Թումանյանի վարած բանակցությունների՝ 1919 թ. Նոր տարին սկսվում է խաղաղությունով:

Պատերազմի հենց սկզբից Վրաստանի կառավարությունը հայտարարել էր, թե ամեն հայ, որը աջակցություն ցույց կտա Հայաստանի կառավարությանը՝ «կհամարվի պետական գավաճան և գույքը կգրավվի հարքունիս»: Օգտվելով դրանից, վրաց միլիցիան խուզարկել է Քննիչ բյուրոյի գրասենյակը և փակել այն՝ դադարեցնելով աշխատանքը²⁶: Գործը վերսկսելուն վերստին օգնել է Թումանյանի՝ 1919 թ. հունվարի 6-ի դիմումը Ն. Ժորդանիային²⁷, որից հետո Քննիչ բյուրոյի գործունեությունը շարունակվել է կառավարության թույլտվությամբ:

Թվում էր, թե արդեն կարելի է ընթացքի մեջ դնել Քննիչ բյուրոյի գործը, մանավանդ որ նախօրոք որոշվել է աշխատանքն այդ ուղղությամբ ավարտել 1919-ի մարտին: Այս անգամ խանգարում է ֆինանսների պակասը և ժամկետը երկարացվում է: Ապրիլի 14-ին տեղի է ունենում բազմամարդ ժողով ՀՀՄՄ, Քննիչ բյուրոյի, վաճառականության, եվրոպական պատգամավորության, Վիրահայ Ազգային խորհրդի, ինչպես և Վրաստանում հայկական դիվանագիտական ներկայացուցիչների մասնակցությամբ: Իրելությունը Թումանյանը մեղադրել է Հայաստանի կառավարությունը, որը թեպետ ընդունել և կարևորել է Քննիչ բյուրոյի գործը, խոստանալով ֆինանսավորել, բայց խոստումը չի կատարել՝ սլատառ դառնալով ֆինանսական ճգնաժամի և եթե որոշվի լուծարել հանձնաժողովը, նույնիսկ դրա համար միջոցներ չկան աշխատակիցներին վճարելու: Սկսվում է սուր վիճաբանություն, առաջարկվում է կրկին դիմել Հայաստանի կառավարությանը, բայց Թումանյանը և Համ. Համբարձումյանը դեմ են արտահայտվում: Վեճը շարունակվում է ֆինանսներ հայթայթելու ուղղությամբ. որոշվում է աշխատակիցներին վճարել թեկուզ եղած քիչ միջոցներից, ստանալ անգլիական հրամանատարության թույլտվությունը հիշատակադրի համար դիմել վաճառականության օգնությանը, բայց ի վերջո որոշվում է Քննիչ բյուրոյի գործունեությունն առայժմ դադարեցնել²⁸: ՀՀՄՄ կենտրոնական խորհրդի և անձամբ Թումանյանի հույսերը չարդարացան: Թումանյանը բավական ջանք թափեց բյուրոն ֆինանսական ճգնաժամից հանելու, գոնե աշխատակիցներին վճարելու համար: Չնայած ՀՀՄՄ նիստում դեմ էր արտահայտվել Հայաստանի կառավարությանը կրկին դիմելուն, այնուամենայնիվ, տարբեր առիթներով օգտագործում էր իր կասկերը, հի-

25 Նույն տեղում, 299:

26 Նույն տեղում, 322:

27 Նույն տեղում, 303:

28 ԹԹ, ՓԲ, № 1094:

չեցնելով կառավարական սլաշտոնական այրերին օգնել, բայց ապարդ-
յուն: Ասենք նաև, որ 1919 թ. մայիսի 23-ին տպագրվեց Հաշվետվութիւն
«Մերձավոր ցուցակ Հայ ազգի կրած վնասների գարմանման և հատուց-
ման» վերնագրով և «Կովկասահայութեան վնասները» ենթավերնագրով,
որը ստորագրել են հայկական ազգային պատվիրակութեան նախագահ Պո-
ղոս Նուբարը և Հայաստանի Հանրապետութեան պատվիրակութեան նա-
խագահ Ավ. Ահարոնյանը²⁹:

Ինչ վերաբերում է Հայրենակցութիւնների միութեան գործունեութեան
ավարտին, այդ մասին արխիվային փաստաթղթերում առայժմ որևէ հիշա-
տակութեան չենք հանդիպել: Վերջին անգամ միութեան անունը տրվում է
1920 թ. Թումանյանի՝ Համ. Համբարձումյանին գրած երկտողում: Հայտ-
նելով, որ մի երկու օրով զնում է Կոջոր, հանձնարարում է «եթե բան պա-
տահի, փոխնախագահին գիմեք», ուրեմն, 1920 թ. տակավին գոյութիւն
ունենէր ՀՀՄՄ: Բայց նույն թվականի հունվարից Թումանյանը կատարում
էր նաև «Հայ որբերի և փախստականների օգնութեան հայկական կոմի-
տեի» նախագահի պարտականութիւնը: Ուրեմն այս անգամ էլ նրա ուսե-
րին երկու նախագահական դժվարին պարտականութիւն կար և կարծում
ենք, որ ՀՀՄՄ գործունեութիւնը դժվար թե ընթանար նույն թափով, ինչ
1918–1919 թթ., եթե, մասնավորապէս, նկատի ունենանք շարունակվող տնտե-
սական ու քաղաքական ճգնաժամը, որը սրվեց հատկապէս 1920-ի աշնա-
նը...

Թիֆլիսի հայրենակցական միութիւնների կենտրոնական խորհրդի և
հատկապէս Թումանյանի գործունեութիւնը 1918–1920 թթ. կարևոր տեղ
է գրավում Հայ ժողովրդի՝ այդ տարիների պատմութեան մեջ, որը ցավոք,
մինչև այժմ չի արժանացել մանրակրկիտ ուսումնասիրութեան և պատշաճ
գնահատականի: Մինչդեռ միութիւնն իր պարտքն է համարել ստեղծել
բոլոր Հնարավոր միջոցները, որոնք կարող էին նստատեղ հայաբնակ գա-
վառների ինքնապաշտպանութեանը, գաղթականութեան ու որբերի կյանքի
բարելավմանը, փախստականների հայրենիք վերադառնալուն: Նման գոր-
ծերը տնօրինելը դուրս էր որևէ հասարակական կազմակերպութեան իրա-
վունքներից և հետո՝ իրականացնելու հնարավորութիւնից, բայց լավա-
տես Թումանյանն անվարան գործում էր, ձգտում կյանքի կոչել իր դեռ
վաղուց ընդունած կարգախոսը՝ գաղափարը առանց գործի դատապարտ-
ված է մահվան:

Նման գործունեութեան մի վկայութիւն էլ Թիֆլիսում Հայաստանի
Հանրապետութեան դիվանագիտական ներկայացուցիչ Լևոն Եվանդուլյա-
նին ուղղած Թումանյանի նամակն է՝ գրված 1919 թ., ապրիլին (սեպտեմբեր,
անթվակիր, պակասավոր)³⁰: Պարզվում է, որ 1917–1920 թթ. Թումանյանը
իր վրա է վերցրել այնպիսի գործեր, որոնք անկարող էին սկսել և ավար-
տել Ազգային խորհուրդը, ապա՝ Վերահայ Ազգային խորհուրդը: Թիֆլի-
սի Ազգային խորհուրդը, ինչպէս ասել ենք, դեռ 1917 թ. աշնանը իրեն
հայտարարել էր հայութեան գերագույն մարմին, բայց, չնայած դրան,
դաշնակիցներն ավելի շատ վստահում էին Թումանյանին և նրա ղեկավա-

29 «Աշխատավոր», 1919, № 102:

30 ԵԼԺ, 10, 312, 665:

րությամբ գործող ՀՀՄՄ-ին: Դաշնակիցների վստահությունը ավելի որոշակի է Ղարաքիլիսայի ճակատամարտի նախօրյակին, երբ նրան առաջարկել են զենք ու ռազմամթերք հայերի ինքնապաշտպանության համար սկսելով այն Լոռուց: Դաշնակիցները նույնիսկ խոստացել են «չատ խոշոր գումար դնել էդ գործի մեջ, նկատելով էդ լեռնաշխարհի ու Ղարաբաղի ուժեղացումը»: Հասկանալի է, որ նրանք այդ խոստումներն անում էին սեփական շահերի, տարածաշրջանում հաստատուն բարձր դիրք գրավելու նպատակով, բայց տվյալ դեպքում կարևորը Թումանյանի հեղինակությունն էր, որը բարձր էին գնահատում նաև օտարները:

Այդ հեղինակության իսկական դնահատականը տվել է ինքը՝ Թումանյանը: Համ. Համբարձումյանն իր հուշերում դրում է. «— Համագասպ, — ասում էր հաճախ Թումանյանը, — մենք երկուսս կարծես պետություն ենք պետություն մեջ: Մեր ժողովուրդների հասարակական ու կուլտուրական կյանքին վերաբերող որևէ հարց կա՞րդյոք, որը մեր իրավասության մեջ չմտնի: Ճիշտ եմ ասում, չկարծես թե կատակ է: Իսկ ի՞նչ բան է պետությունը, եթե ոչ հենց այնպիսի մի ֆունկցիա, որ մշտապես կատարում ենք մենք երկուսս»³¹:

* * *

1919 թվականի փետրվարի 20-ին առանց պետական հովանավորչության ու հրահանգի՝ մամուլը ողողվում է մեծ սիրո, բարձր գնահատանքի խոսքերով. մեծարվում էր Ամենայն հայոց բանաստեղծ Հովհ. Թումանյանը՝ ծննդյան 50-ամյակի առիթով: Հետագա օրերին սկսվում են հանդեսներ, մեծարանքի երեկույթներ և ցերեկույթներ, որոնք կազմակերպում էին դպրոցները, հասարակական կազմակերպությունները մշակութային գործիչների ջանքերով: Անմասն չի մնում նաև Հայրենակցական միությունների միությունը: Փետրվարի 27-ին տեղի է ունենում հրապարակային ընդլայնված նիստ Մարդար Ավետիսյանի նախագահությամբ (այդ ժամանակ միություն փոխնախագահը): Հատուկ պատգամավորություն է գնում բանաստեղծին Հայոց բարեգործական ընկերության դահլիճ բերելու համար, ուր մեծ հանդիսավորությամբ նշվում էր հոբելյանը: Ելույթ է ունենում Մ. Ավետիսյանը՝ ըստ արժանվույն գնահատելով Թումանյանի ստեղծագործությունը և հասարակական գործունեությունը:

Դիմելով զեկուցողին և բոլոր ներկաներին Հ. Թումանյանը հայտնում է, «որ ինքը անչափ հուզված է այն իսկապես էական և հայ ժողովրդի համար շատ բնորոշ հանգամանքով, որ նա, բազմաչարչար հայ ժողովուրդը, երբ ահն ու մահն են տիրում նրա հայրենիքում, կարողանում է, այնուամենայնիվ, աչք բաց անել ցավ ու տանջանքից և ոգևորվել կուլտուրական գործերով... Այս բանը լցնում է մեր հոգին կենդանի և անմեռ հոգսերով դեպի մեր ազգի ապագան»:

Իր ելույթում Ստ. Մալխասյանը առանձնապես գնահատում է Թումանյանի լեզուն, ընդգծելով, որ դրա աղբյուրը հայոց լեզվի հարստությունն է, ճկունությունը, բանաստեղծական լինելը և հայտնում է, թե այդ

31 ԹԺՀ, էջ 700:

արժանիքների ամենափայլուն արտահայտիչը Թումանյանն է: Պատասխանելով Մալխասյանցին, բանաստեղծը «աշխատում է ավացուցել, — գրված է նիստի արձանագրության մեջ, — որ իր արածը, որպես դրական դործ, առանձին մի բան չէ և որ դեռևս հայտնի չէ, թե այս ամենից, ինչ որ ինքը գրել է, ո՞ր մասը կկարողանա դիմանալ ժամանակի աղդեցությունը: Իմ բազմաթիվ գրվածքներից, — շարունակում է բանաստեղծը, — թերևս շատ ու շատ քչերը պետքական լինեն դալիք սերունդներին... Իմ բոլոր գրվածքներից գժվար թե մի կամ երկու բան մնան ավագայի համար և արևի հզոր աղդեցության տակ չխուճանան»:

Ելույթ են ունենում Համ. Համբարձումյանը, Պ. Աբելյանը, Ս. Աբովյանը՝ կանդ առնելով հոբելյարի ստեղծագործության համամարդկային արժանիքների, բանաստեղծի մարդկային հատկանիշների, ստեղծագործական թոփչքի, հասարակական գործունեության ու մարդասիրության վրա: Պատասխան խոսքում Մեծ բանաստեղծը համեստորեն հրատարվում է մեծարանքից³²:

Մինչգեռ մեծարանքներն ու անկեղծ բարձր գնահատականները շարունակվում էին ամիսներով, անցնում Թիֆլիսի սահմաններից, հասնում Հայաստանի Հանրապետություն, հայաբնակ գրեթե բոլոր վայրերը: Ամենուրեք կազմակերպվում էին գրական-երաժշտական ցերեկույթներ, հոբելյանական նիստեր, կարգում էին բաղամարդանդակ գեկուցումներ անվանի մշակութային գործիչների մասնակցությամբ: Ամենուրեք ստեղծագործող Թումանյանի հետ մեծարվում, գնահատվում էր քաղաքացի պոետը իր մեծ գործի անմահությամբ: Այդ անմահության մի կարևոր դրվագը Հայոց հայրենակցական միությունների միության գործունեությունն է, որը և ներկայացվեց ընթերցողին:

ТУМАНЯН И СОЮЗ АРМЯНСКИХ ЗЕМЛЯЧЕСКИХ СОЮЗОВ

ЛУСИК КАРАПЕТЯН

Резюме

Весной 1918 г. в Тифлисе усилиями Туманяна был создан Союз армянских земляческих союзов, целью которого было объединить землячества всех армянонаселенных провинций и совместными силами противодействовать армяно-турецким столкновениям, из-за которых сложилось крайне бедственное положение как для местного армянского населения, так и для беженцев из Западной Армении. Повсюду царили голод, эпидемии болезней, убийства, похище-

32 Թումանյանի պատասխան ելույթը Համ. Համբարձումյանի գրած արձանագրության մեջ և Մ. Ավետիսյանի հուշերում տարբեր են: Մայիսի 8-ին տեղի է ունեցել բանկետ ի պատիվ բանաստեղծի. պետք է ենթադրել, որ ելույթ ունեցողների համեմատությունները իտրենացու, Նարեկացու, Քուչակի, Սայթ-Նովայի, Աբովյանի հետ եղել են այդ բանկետի ժամանակ, բայց հուշագիրը շփոթել է հոբելյանական նիստի և բանկետի ելույթները (տե՛ս ԹժՀ, էջ 185, ԹԹ. ՓԲ, № 358, 374):

ния. Сплотив вокруг себя представителей интеллигенции армянонаселенных районов (Д. Демирчян, Ам. Амбарцумян, А. Тер-Григорян, Ст. Малхасянц и др.), Туманян делал все возможное и невозможное для сбора пожертвований, для оказания необходимой помощи народу, обращаясь с устными и письменными ходатайствами и призывами к академиям всех стран мира, представителям великих держав, описывая в них крайне бедственное, безысходное положение армянского народа. Он действовал безо всякой поддержки со стороны правительства, делал неимоверные усилия, однако результаты были совершенно неудовлетворительными. В 1918 г. Союз землячеств по инициативе Туманяна организовал также Бюро по установлению потерь армянского народа от всемирной войны, которое также не добилось желаемых результатов, несмотря на все старания Туманяна. Причиной провала было то, что деньги, обещанные правительством Армении, так и не были предоставлены. В то же самое время обострились армяно-грузинские отношения. Началась война, однако благодаря Туманяну кратковременные стычки завершились миром.

TOUMANYAN AND THE UNION OF ARMENIAN NATIONAL UNIONS

LOUSIK KARAPETYAN

S u m m a r y

In the spring of 1918 by the efforts of Toumanyán the Armenian Union of National Unions was established which was aimed to unite all the unions of Armenian provinces and jointly resist the Armenian-Turkish conflicts which created severe conditions for the local Armenian population and particularly for the refugees of the Western Armenia. There was hunger, epidemics of diseases, wild murders and kidnappings everywhere. Consolidating the representatives of the intellectuals of Armenian provinces (D. Demirchyan, Ham. Hambardzumyan, A. TerGrigoryan, St. Malkhasyants and others) Toumanyán was doing the possible and impossible, i. e. obtaining money, helping the people, making written and oral speeches, applying to all the academies of the world and representatives of the large states describing in them the difficult situation of the Armenian people. He was acting without the governmental assistance, made incredible efforts but the result was very poor. In 1918 by Toumanyán's initiative the Union organized also "The bureau (committee) of counting the losses of Armenian people during the World War" which was also unsuccessful despite Toumanyán's efforts. The reason of the failure was the money which the Government of Armenia had promised to give but did not keep its word. At the same time, a war began between Armenia and Georgia but due to Toumanyán the short but serious conflict ended with peace.